



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. XX. S. R. M. Sueciae ad Ser. R. Daniae literae, in quibus conclusionem
Tractatum, & satisfactionem damni per Carloffium in Guinea dati urget.

urn:nbn:de:hbz:466:1-10534

ut de omnibus & singulis ad S. R. M. Daniæ per tabellariam adhucodiè discessurum fideliter referet, & sperare se, intra octiduum, initium computationis à proxima die Veneris sumto, Regia mandata sibi mittenda: petere interim, vellemus nos negotium isthoc eo usque differre, certissimeque credere, S. R. M. Daniæ initam nuper pacem per omnia inviolabiliter observaturam, & quæ restitui pollicita esset, nos certò certius accepturos. Postmodum cum Libertus Wouters & ego sæpe laudatum Dominum Campi-ductorem Generalem valedicturi conveniremus, ipsemet eadem coràm repetiit, cum promptissimâ officiorum suorum oblatione &c. Actum Glückstadii die 15. Jun. Anno 1658.

Lit. VV.

Testimonia quibus probatur, Carloffium milites quos in Castello & Munimentis Guineæ reliquerat, sibi tantùm juramento obstrinxisse.

Quia dum hæc typis exscribebantur ad manus non erant, alia occasione luci publicæ sistuntur.

Lit. XX.

S. R. M. Sueciæ ad Ser. R. Daniæ literæ, in quibus conclusionem Tractatum, & satisfactionem damni per Carloffium in Guinea dati urget.

Nos Carolus Gustavus, DEI gratia, &c.

Serenissime ac Potentissime Princeps, &c. Quanta animi propensione Sarque desiderio, interveniente Legatorum nostrorum apud Majestatem Vestr. commorantium opera, eò inclinaverimus, ut Roschildiæ præterita hyeme conventa pacta, præfinito tempore plenariè executioni mandarentur, ac ad finem perducerentur; nulli dubitamus quia Majestati Vestræ à Nostris ad institutos jam Hassniæ Tractatus ordinatis Commissariis humillimè narratum fuerit: præprimis quod ut amicus ac vicinus certò Nobis persuaserimus, fore ut siquidem bona eorundem pars optatum eventum consecuta jam dum fuerit, Majest. V. reliqua itidem promotura sit, quò etiam oportunè effectui dari queant. Quoniam autem non solum puncta quædam firmam & constantem utrorumq; Regnorum securitatem ac tranquillitatem concernentia adhuc restant, verùm etiam plenariè edocti sumus, Condirectorem Henricum Carloffium cum Nostris & subditorum nostrorum mercibus ac bonis, ex Africa venientem,

licet

licet Minister Noster Hamburgi Residens maturimè illud præmonuerit, non tantùm Glückstadii à Majestatis V. Ministris neque detentum & arresto subjectum, neque de allatis mercibus Inventarium confectum, & ne eadem alienarentur ac distraherentur prohibitum esse: sed & ut fama fert, cum maxima auri merciumque pretiosarum parte aufugisse, antequam circa restitutionem locorum occupatorum satisfactionem ullam præstiterit: Nos sanè aliò quàm ad Majest. V. recurrere non possumus, & vel propterea vigore harum literarum Nostros apud Majest. V. Hafniæ nunc commorantes Legatos Majest. V. conspectui sistimus, ut vicinum, amicum atque fratrem decet requirentes, velit V. Majest. Eosdem non solùm benevolè audire, verùm etiam totam rem ita dirigere ac disponere, ut tam circa hoc, quàm in omnibus aliis ad executionem pacis adhuc pertinentibus prædicti Commissarii Nostri optatum responsum quàm primum obtineant, universumq; negotium hoc plenarium & oportunitate eventum sortiantur, Nosque pro præsentium temporum ratione scire queamus, qualem horum Tractatum finem operiri debeamus. Et quandoquidem Majest. V. Ministri sapissimè iterant & ingeminant, quanto onere exercitus noster Regnum Daniæ, in hunc usque diem ibi commoratus, afficiat; Nos verò eidem quàm facillimè fidem adhibere possumus: Utique Majest. V. certò affirmamus, Nos nihil tantopere intendere ac in votis habere, quàm ut omnia, quæ ad executionem dictæ pacificationis Roschildensis necessariò pertinent, sed nondum facta sunt, abjecta cunctatione in effectum traducantur, ne ulterius his in locis contra voluntatem nostram retardemur, & concedere cogamur, hostes nostros alibi omnibus interea temporum occasionebus & articulis in ingens nostrum præjudicium ac damnum insidiari. Confidimus proinde, ut amicum ac vicinum par est, Majest. Vestr. in confirmationem ac robur Pactorum negotium isthoc ita commendatum habituram, quò sine ulteriori mora ac procrastinatione Societas Africana compensatione & satisfactione pro illatis damnis frui & gaudere possit, præsertim cum Instrumentum Pacis controversiam hanc disertis verbis determinet, aliamq; interpretationem nullatenus admittat. Quo ipsò Majest. Vestr. divinæ protectioni commendantes prosperos rerum successus Eidem ex animo precamur. Scrib. Flensburgi, die 21.

Jun. Anno 1658.